



Innkalling av Kommunestyret

Møtedato: 09.12.2021
Møtestad: Øvre Helland samfunnshus
Møtetid: 09:00 - 15:00

Eventuelle forfall må meldast via Møteportalen (politikarportalen). Ordføreren må og få melding om forfall til møter.

Varamedlemmer møter berre etter nærare avtale.

Sakliste

Sak nr.	Sakstittel
051/2021	Godkjenning av innkalling og saksliste
052/2021	Godkjenning av møteprotokoll
053/2021	Referatsaker
054/2021	Orienteringssaker
055/2021	Ny felles forskrift om innsamling og handsaming av hushaldsavfall og delegasjon av mynde for deltakarkommunane i NGIR
056/2021	Forskrift for slamtømming i Modalen kommune
057/2021	Leve heile livet i Modalen - plandokumentet
058/2021	Møteplan vår 2022
059/2021	Budsjett og økonomiplan 2022 - 2025

2. desember 2021

Kjetil Eikefet
møteleiar

Jo Bjarte Tømmerbakke
sekretær

Sakspapir

Saksbehandler	Arkiv	ArkivsakID
Anneli Vathe Lilletvedt	FE-033	21/303

Saksnr	Utvalg	Type	Dato
051/2021	Kommunestyret	PS	09.12.2021

Godkjenning av innkalling og saksliste

Forslag til vedtak:

Innkalling og sakliste vert godkjent

Saksopplysningar:

Sakspapir

Saksbehandler	Arkiv	ArkivsakID
Anneli Vatle Lilletvedt	FE-033	21/303

Saksnr	Utvalg	Type	Dato
052/2021	Kommunestyret	PS	09.12.2021

Godkjenning av møteprotokoll

Forslag til vedtak:

Møteprotokoll vert godkjend slik den ligg føre

Saksopplysningar:

Vedlegg:

Protokoll - Kommunestyret - 04.11.2021

Sakspapir

Saksbehandler	Arkiv	ArkivsakID
Anneli Vatle Lilletvedt	FE-033	21/303

Saksnr	Utvalg	Type	Dato
053/2021	Kommunestyret	PS	09.12.2021

Referatsaker

Underliggjande saker:

Saksnummer	Tittel
053/2021.1	Modalen kontrollutval - Møteprotokoll frå møtet 29.09.2021

Forslag til vedtak:

Referatsaker vert tekne til orientering.

Saksopplysningar:

Sakspapir

Saksbehandler	Arkiv	ArkivsakID
Anneli Vatle Lilletvedt	FE-033	21/303

Saksnr	Utvalg	Type	Dato
054/2021	Kommunestyret	PS	09.12.2021

Orienteringssaker

Forslag til vedtak:

Sakene vert tekne til orientering

Saksopplysningar:

Sakspapir

Saksbehandler	Arkiv	ArkivsakID
Njål Bolstad Eidsnes	FA-M60	21/111

Saksnr	Utvalg	Type	Dato
055/2021	Kommunestyret	PS	09.12.2021

Ny felles forskrift om innsamling og handsaming av hushaldsavfall og delegasjon av mynde for deltakarkommunane i NGIR

Forslag til vedtak:

Sak 1: Ny felles forskrift om innsamling og handsaming av hushaldsavfall for deltakarkommunane i NGIR

- Forslag til ny lokal forskrift om innsamling og handsaming av hushaldsavfall vert vedteke

Sak 2: Delegasjon av mynde til NGIR:

Nordhordland og Gulen Interkommunale Renovasjonsselskap IKS vert gjeve mynde til å:

- Treffa enkeltvedtak for å ivareta sine oppgåver etter forskrift om innsamling og handsaming av hushaldsavfall.
- Behandla saker og treffa vedtak om dispensasjonar frå forskrift om innsamling og handsaming av hushaldsavfall.
- Behandla saker og treffa vedtak om dispensasjonar frå plikten til å betala renovasjonsgebyr og til å vedta at ein eigedom er omfatta av tvungen renovasjon.
- Behandla saker og treffa vedtak om kontroll og pålegg om endringar knytt til oppsamlingseiningar, hentestader, leveringsstader, køyreveg, åtkomstveg, transportveg og oppstillingsplassar.

Saksopplysningar:

Kommunestyret vedtok den 06.05.2021 i sak 023/2021 å senda **Forslag til ny felles forskrift om innsamling og handsaming av hushaldsavfall for deltakarkommunane i NGIR** ut på høyring.

Høyringsfristen vart sett til 02.07.2021.

Det kom ingen merknader under høyring, men det kom merknader frå ein person 01.03.2021. Dette var merknader som vedkommande hadde sendt til Solund kommune under høyring av forskrifta. Etter høyring har det blitt gjort nokre mindre korrigeringar i utkast til ny forskrift. Korrigeringane er redaksjonelle og forutset ikkje at det gjennomførast ny høyring. Følgjande korrigeringar vart gjort:

- Høyringsutkastet la opp til at den nye forskrifta skulle tre i kraft frå 01.01.2021. Då ingen av kommunane i NGIR vedtok forskrifta i 2020, måtte dette endrast. Dato for når forskrifta trer i kraft vil bli satt inn når alle kommunane har endeleg vedteke forskrifta.
- Høyringsutkastet la opp til at den nye forskrifta blei vedteke i 2020. Sidan dette ikkje har skjedd, har årstal for vedtaking vorte endra til 2021.
- I forskrifta sin § 4 var definisjonen av «Hytte» angitt som: «Sjå Fritidseigedom.» Forskrifta nyttar ikkje «Fritidseigedom» og av definisjonane har ein nytta «Fritidsbustad.» Definisjonen av «Hytte» har derfor vorte korrigert i samsvar med dette.

Bakgrunn

Bakgrunn for ny renovasjonsforskrift

Gjeldande forskrift om innsamling av forbruksavfall for Modalen kommune er ei felles forskrift for alle kommunane tilknytt Nordhordland og Gulen interkommunale Renovasjonsselskap (NGIR), og vart vedteken av Modalen kommune den 25.05.2000.

Administrasjonen i kommunane tilknytt NGIR har delteke i utforminga av forskrifta. Framlegg til ny forskrift har vore på offentleg høyring i samsvar med forvaltningslova kap. VII. Endeleg politisk vedtak skal gjerast av kommunestyret. Ny forskrift vert gjeldande frå den dato då den siste av deltakarkommunane i NGIR har vedteke forskrifta.

Forskrift om innsamling og handsaming av hushaldsavfall er ei lokal forskrift som omhandlar innsamling av hushaldsavfall frå bueiningar. Næringsavfall er ikkje inkludert i ordninga. Den som har næringsavfall, har sjølv ansvaret for at avfallet vert levert til godkjend mottak. Kommunane har etter lov om forureining og avall (forureiningslova) §§29 og 30 ansvar for å ha anlegg for mottak og innsamling av hushaldsavfall. Kommunen kan etter same paragraf gje forskrift som er naudsynt for å få til ein hensiktsmessig innsamling og oppbevaring av avfallet.

Ny forskrift baserar seg på eksisterande forskrift, men systematiserer og klargjer tydelegare kva oppgåver NGIR og abonnent har. I tekst er det t.d. endra frå kommunen til NGIR der NGIR har ansvar for den praktiske gjennomføringa (t.d. plassering av behaldarar og handsaming av fritak frå ordninga). Dette for å betre synleggjere ovanfor abonnent kva som er delegert til NGIR, og vil ikkje medføre større endringar ut i frå dagens praksis. I tillegg vert det opna for at NGIR får større rom for å utarbeida retningslinjer, rettleiarar og informasjon til abonnentane. Døme er rettleiar til forskrift og retningslinjer for tilkomstveg. Informasjon til abonnentane vil med dette bli betra, og kan enklare tilpassast endra behov eller nye tekniske løysingar.

Bakgrunn for delegasjon av mynde til NGIR

Forureiningslova § 30 pålegg den enkelte kommune å syta før ein forsvarleg innsamling og handsaming av hushaldsavfall i kommunen. Forureiningslova gjev i den samanheng vide rammer for korleis kommunen vel å organisera handteringa av hushaldsavfall. I praksis er det difor utbreidd at kommunar både samarbeider og oppretta eigne sjølvstendige rettssubjekt til å stå føre den kommunale avfallshandteringa.

Blant anna som følgje av dette, gjev forureiningslova § 83 heimel for kommunane til å delegera mynde til å treffa enkeltvedtak til interkommunale og kommunale føretak. På den måten kan kommunen sikra at den organisasjon som står nærast til å føreta ei forsvarleg sakshandsaming av relevante saker, sjølv om denne ikkje omfattast av kommunelova sine bestemmingar, kan treffa naudsynte vedtak.

Kommunane har mynde både direkte i forureiningslova, men også etter mynde som er delegert frå statleg organ. I utgangspunktet vil mynde som kommunen sjølv har fått delegert, ikkje kunne delegerast vidare, men av lovforarbeidene til forureiningslova står det at forureiningslova § 83 gir kommunane rett til å delegere vidare all mynde, inkludert slik mynde som kommunane sjølv har fått delegert.

Forureiningslova § 83 forutset at delegasjon berre kan skje når «særlige hensyn tilsier» at det vert gjort. I lova sitt forarbeid er det likevel lagt til grunn at terskelen er låg, og omsynet til ei fornuftig organisering er tilstrekkeleg.

NGIR treffer p.t. enkeltvedtak knytt til dispensasjonssøknadar, endring av oppsamlingseiningar og oppfølging av gebyrbetaling (for dei av deltakarkommunane som har delegert slikt mynde til NGIR). NGIR har stått for slik myndigheitsutøving i mange år.

Delegasjonsvedtaka i deltakarkommunane er likevel fragmentariske og til dels uklare med omsyn til kva NGIR er gjeve mynde til. Ingen av deltakarkommunane har treft eit delegasjonsvedtak som tydeleg gjev kva mynde NGIR er tildelt, og delegasjonen framkjem i ikkje ubetydeleg utstrekning implisitt av vedtaka.

Det har over tid òg komme til nye oppgåver og justeringar med omsyn til NGIR sine oppgåver og mynde, noko som har gjort at det p.t. er uoversiktleg kva som gjeld. Alle deltakarkommunar er likevel av den oppfatning at NGIR er gjeve mynde til å treffa dei enkeltvedtaka som NGIR gjer per i dag. Dette gjeld ikkje Fedje kommune, som sjølv har behandla og treft vedtak knytt til slike høve. Rettsleg føreligg ingen formkrav til delegering av forvaltningsmynde. Av omsyn til offentlegheita er det likevel hensiktsmessig at delegasjon skjer skriftleg i vedtaksform. På denne måten sikrast òg notoritet med omsyn til kva delegasjonen omfattar. Det reduserer òg risiko for myndigheitsoverskridingar og er betre eigna til å unngå situasjonar der kompetanseforhold vert utfordra.

Gjennom saker som har oppstått dei seinare åra, har NGIR erfart at klare delegasjonsvedtak ville ha vore fordelaktig både for NGIR sine oppgåver og for kommunane sjølv. Det vil kunne forhindra mistydingar og trong for betydeleg ressursbruk knytt til oppklaring av kva mynde NGIR er tillagt. På den bakgrunn føreslår NGIR at deltakarkommunane treff eksplisitte delegasjonsvedtak etter forureiningslova § 83, slik at det framover vert tydeleg både for NGIR, kommunane og brukarane kva forvaltningsmynde NGIR er tildelt.

Vurdering

Føremålet med ny felles forskrift er at deltakarkommunane i NGIR får ei forskrift som ryddar opp i uklarheiter som har vist seg, og som vil fungere som eit god grunnlag for den felles renovasjonen i kommunane.

Den nye forskrifta får ingen vesentleg innverknad på renovasjonsordninga. Forskrifta legg likevel til rette for ein meir effektiv ressursutnytting både i NGIR og kommunane og avgrensar trongen for hyppig formell oppfølging frå kommunen si side.

Forskrifta vil ikkje ha nokon negativ innverknad på miljøet, og vil til dels styrke oppfølginga i den samanheng. Forskrifta vil ikkje medføra økonomiske konsekvensar.

Forslaget til ny felles forskrift for deltakarkommunane i NGIR er i all hovudsak ei revidering og presisering av gjeldande forskrift. I alt det vesentlege vil det som ligg i gjeldande forskrift vidareførast.

Forslag om nye og eksplisitte vedtak om delegasjon vil i praksis vera presiseringar av det som er gjeldande organisering mellom NGIR og kummunane per i dag. Det vil ikkje endra på dagens tilstand men vil uttrykkeleg gjere det klart at NGIR er delegert mynde

Konklusjon

Sak 1: Ny forskrift om innsamling og handsaming av hushaldsavfall for deltakarkommunane i NGIR

Rådmanen rår til at Modalen kommune vedtek forslag til ny lokal forskrift om innsamling og handsaming av hushaldsavfall.

Sak 2: Delegasjon av mynde til NGIR

Rådmannen rår til at

Nordhordland og Gulen Interkommunale Renovasjonsselskap IKS vert gjeve mynde til å:

- Treffa enkeltvedtak for å ivareta sine oppgåver etter forskrift om innsamling og handsaming av hushaldsavfall.
- Behandla saker og treffa vedtak om dispensasjonar frå forskrift om innsamling og handsaming av hushaldsavfall.
- Behandla saker og treffa vedtak om dispensasjonar frå plikten til å betala renovasjonsgebyr og til å vedta at ein eigedom er omfatta av tvungen renovasjon.
- Behandla saker og treffa vedtak om kontroll og pålegg om endringar knytt til oppsamlingseiningar, hentestader, leveringsstader, køyreveg, åtkomstveg, transportveg og oppstillingsplassar.

Vedlegg:

FORSKRIFT OM INNSAMLING OG HANDSAMING AV HUSHALDSAVFALL

Gjeldende forskrift

Sakspapir

Saksbehandler	Arkiv	ArkivsakID
Njål Bolstad Eidsnes	FA-M40	21/236

Saksnr	Utvalg	Type	Dato
056/2021	Kommunestyret	PS	09.12.2021

Forskrift for slamtømming i Modalen kommune

Forslag til vedtak:

Med heimel i forureiningslova §26, Jf. §30 vert det vedteke lokal forskrift for slamtømming i Modalen kommune

Saksopplysningar:

Formannskapet vedtok den 14.09.2021 i sak 024/2021 å leggja framlegg til ny forskrift for slamtømming ut på høyring. Høyringsfristen vart sett til 23.11.2021.

Modalen kommune har ikkje motteke innspel til forskrifta.

Bakgrunn

Etter forureiningslova §26 er kommunane ansvarleg for tømming av mindre avløpsanlegg, reinseinnretningar mv.

NGIR organiserer og drifter både renovasjonstenestene og slamtømmetenestene for deltakarkommunane. Kommunane har i liten grad oppgåver knytt til utføring av tenestene.

Utgiftene som NGIR har knytt til tenestene vert dekkja av renovasjonsgebyret og slamavgift frå abonnentane. Utrekning og fastsetting av renovasjonsgebyret og slamavgift skal følgje regelverket for sjølvkost. Deltakarkommunane fastsett slamavgifta kvar år.

Gjeldande forskrift for slamtømming vart vedteken av Modalen kommune 23.09.2004. Forskrifta er ei felles forskrift for deltakarkommunane i NGIR.

Administrasjonen i kommunane tilknytt NGIR har delteke i utforminga av forskrifta.

Vurdering

Forskrift for slamtømming er ei lokal forskrift som omhandlar tømming, transport og handsaming av slam og sanitært overløpsvatn frå private og kommunale slamanlegg (slamavskiljarar).

Forskrifta er heimla i «Lov om vern av forurensningar og om avfall (forurensingsloven)» §26, 3. ledd, §30, 2. og 3. ledd og §34.

Føremålet med ny forskrift for slamtømming er at deltakarkommunane i NGIR får eit regelverk som blir likt på tvers av den enkelte kommune. Abonnentane får samstundes eit meir detaljert rammeverk for slamtømming, enn det som er tilfelle i dag.

Framlegget til ny forskrift for slamtømming for deltakarkommunane i NGIR får inga vesentleg innverknad på ordninga for slamtømming. Framlegget legg likevel til rette for ein meir effektiv ressursutnytting både i NGIR og kommunane og avgrensar trøngjer for hyppig formell oppfølging frå kommunen si side.

Forskrifta vil ikkje ha noko negativ innverknad på miljøet, og vil til dels styrke oppfølginga i den samanheng.

Forskrifta vil i utgangspunktet ikkje medføre økonomiske konsekvensar.

Framlegg til forskrift for slamtømming for deltakarkommunane i NGIR er i all hovudsak ei detaljering av dei overordna krava og pliktane som følg av forureiningslova. Framlegget vil bidra til å skapa ein einsarta praksis i kommunane, samt ei forenkling og effektivisering av sakshandsaminga.

Dei viktigaste forholda er:

- Det blir klart kva for pliktar både kommunen (NGIR) og abonnentane har.
- Det blir stilt krav til tilkomst for køyretøy for slamtømming.
- Det blir tydeleg kor ofte ulike anlegg skal tømmast og kva for eigedomar som får generelt fritak.

I hovudsak har det blitt gjort fylgjande endringar i den nye forskrifta:

- Kven forskrifta gjeld for (§4):
Kapasiteten for anlegg som kjem inn under den tvungne slamtømmeordninga er auka frå 15 til 50 personekvivalentar (PE). Dette samsvarar med storleik på utslepp i forureiningsforskrifta kap. 12: «krav til utslepp av sanitært avløpsvatn frå bustadhus, hytter og liknande»
- Minireinseanlegg er teke inn i slamtømmeordninga (§5):
I dag er det anleggsleverandør som utfører dette som ein del av pålagt serviceavtale. Vil vert rimelegare for abonnent om det går i gjennom den ordnære slamtømmeordninga. Tømmeintervall må utarbeidast av anleggsleverandør.
- Definisjon av «køyrbar veg» (§8):
Krav til vegbreidde, akseltrykk m.m. for at tømmebil skal vera sikra tilkomst.

- Abonnentar tilknytt private fellesanlegg (§9):
Tidlegare har det vore uklart om det er eigar (dvs.utbyggjar), eller dei som er tilknytt avløpsanlegget som skal krevjast for gebyr. Ved å fakturere direkte dei som er tilknytt anlegget vil eigar sleppa å fordele/krevje inn gebyret. Samla kostnad for abonnentane vil verte noko større.
- Fritak for slamtømming (§10):
Nærare presisering av vilkår for fritak, m.a at stoppekran for vassforsyning skal plomberast.
- Klage på enkeltvedtak (§11):
I samsvar med forvaltningslova skal klage på vedtak sendast det organet som har fatta vedtaket.

Konklusjon

Rådmannen rår til at Forskrift for slamtømming vert vedteke av kommunestyret.

Vedlegg:

Forskrift for slamtømming

Gjeldande forskrift

Sakspapir

Saksbehandler	Arkiv	ArkivsakID
Ove Sæbø	FA-H09, TI-&23	20/358

Saksnr	Utvalg	Type	Dato
008/2021	Råd for eldre og funksjonshemma	PS	22.11.2021
036/2021	Formannskapet	PS	23.11.2021
057/2021	Kommunestyret	PS	09.12.2021

Leve heile livet i Modalen - plandokumentet

Forslag til vedtak:

Modalen kommune vedtek planen «Leve heile livet i Modalen» slik han ligg føre.

Saksopplysningar:

Bakgrunn

Som hovudmål 1 i *Kommuneplan Modalen 2015 - 2026* står det: Modalen er ein attraktiv, trygg og inkluderande plass å bu. *Leve heile livet i Modalen* skal bidra til å oppfylle dette målet, med særleg merksemd retta mot den eldre delsen av innbyggjarane.

Regjeringa gjennomfører kvalitetsreforma *Leve hele livet* og innleiar Stortingsmelding nr. 15 (2017 – 2018) på følgjande vis:

Reforma Leve heile livet skal bidra til at eldre kan meistre livet lenger, ha tryggleik for at dei får god hjelp når dei har behov for det, at pårørande kan bidra utan at dei blir utslitt og at tilsette kan bruke sin kompetanse i tenestene. Meldinga sitt hovudfokus er å skape eit meir aldersvennleg Noreg og finne nye og innovative løysingar på dei kvalitative utfordringane knytt til aktivitet og fellesskap, mat og måltid, helsehjelp, samanheng og overgangar i tenestene.

I Modalen har dette blitt til «Leve heile livet i Modalen». Det har vore lagt opp til ein prosess som gjekk frå fase 1 i 2019 kor det var oppstart av arbeidet og informasjon og spreieing som stod sentralt. Vidare til fase 2 i 2020/2021 med kartleggingar, planlegging og beslutningar. I fase 3 2021 – 2024 skal det gjennomførast, implementerast og rapporterast, før ein til slutt i 2024 skal evaluere og forbetre.

Det har blitt arbeidd parallelt med pandemiutfordringar dei siste 2 åra på eit vis som i størst mogleg grad har søkt å kople på innbyggjarstemmer gjennom ulike kanalar, jfr. planframlegget.

Tilbakemeldingar, særleg frå eldre i Modalen gjennom *Råd for eldre og personar med nedsett funksjonsevne* og *onsdagstreffen* på Modalstunet, har vore at det er store forventningar til planen og dei måla som er satt.

Reformarbeidet har aldersgruppa 65 år + som målgruppe. Likevel er dette ei samfunnsreform fordi det er eit felles arbeid som skal skje på alle nivå i kommunen. I tillegg skal me alle vonaleg verte ein del av målgruppa før eller seinare.

Hovudinnsatsomåda i planarbeidet er eit aldersvenleg Noreg, aktivitet og fellesskap, mat om måltid, helsehjelp og samanheng i tenestene. I Modalen har mange av tilbakemeldingane vore at det er ein generelt godt samfunn å bu i som innbyggjar i målgruppa. Det er likevel område som kan betrast. I planen er det lagt opp til at det skal vere eit årleg undervegs møte kor me skal kunne drøfte framdrifta. I 2024 skal det gjerast eit evalueringsarbeid kor ein skal danne grunnlaget for arbeidet vidare inn framtida. Planen er ikkje knytt til helse eller pleie og omsorg spesielt. Difor vert planen eit grunnlagsdokument for alle andre planar Modalen kommune vedtek, jfr. kommunal planstrategi 2021. Dette gjev ein sektorovergripande effekt kor planar vert knytt saman og byggjer på kvarandre.

Reformarbeidet på nasjonalt nivå byggjer på kva tilsette, eldre, pårørande, frivillige, forskarar og leiarar har sett fungerer i praksis. Kva som løfter kvaliteten på tenester og bidreg til trygg og verdig alderdom. Det same har me søkt å få til i Modalen

Kommunar som vedtek plan i tråd med reforma innan utgangen av 2021 vil bli prioriterte innanfor relevante eksisterande og eventuelle nye øyremerkte ordningar.

Lenkje til Meld. St. 15 (2017 – 2018) Leve hele livet. En kvalitetsreform for eldre.

<https://www.regjeringen.no/contentassets/196f99e63aa14f849c4e4b9b9906a3f8/no/pdfs/stm201720180015000dddpdfs.pdf>

Lenkje til Kommuneplan for Modalen kommune 2015 – 2026:

<https://www.modalen.kommune.no/siteassets/plan-bygg-og-eiendom/planomtale2b20152b-2b2026.pdf>

Vurdering

Rådmannen si vurdering er at det har gått føre seg eit godt og omfattande arbeid i Modalen frå mange ulike hald. Råd for eldre og personar med nedsett funksjonsevne har vore ein stor bidragsytar i drøftingsarbeidet. I tillegg har det kome innspel frå lag/organisasjonar, ungdomsrådet, leiarane for dei ulike kommunale einingane, onsdagstreffen på Modalstunet. Det har vore drøftingar med dei hovudtillitsvalde, hovudverneombod, samt undervegsdrøfting i formannskapet. Grunna generelle utfordringar i pandemiperioden har det vore mindre deltaking i ulike fora utanfor Modalen.

Rådmannen finn at arbeidet byggjar på den kommunale planstrategien som kommunestyret vedtok tidleg i 2021, kor Leve heile livet i Modalen var ein prioritert plan for 2021. I tillegg vart det i same dokument vedteke at alle framtidige planar også skulle sjå til FN sine berekraftsmål. Det er også gjort i Leve heile livet i Modalen.

Rådmannen si vurdering er vidare at planen innheldt godt grunnlagsstoff i innleiande delar, og at dette er summert opp i konkretisering av tiltak. Tiltaka synleggjer dei ambisjonar som skal gjelde for modalssamfunnet framover. Det har vore ei prioritering at planen skal vere lesevenleg og konkret.

Det er stor grunn til å tru at planen med sine tiltak vil bidra til ein god alderdom hjå eldre framover. Rådmannen vil understreke at dette ikkje er ein helse- og/eller omsorgsplan. Ein vil difor ikkje finne konkretiseringar kring korleis møte helse- og omsorgsbehova spesielt framover. Det vil ein (som planen peiker på) finne att i kommande helse- og omsorgsplan for Modalen kommune. T.d er det slik at velferdsteknologi skal vere ein ordinær del av tilbodet til innbyggjarane frå 2022. Dette vil likevel kunne gje ytterlegare løft for livskvaliteten for målgruppa.

Konklusjon

Rådmannen rår til at planen vert vedteke slik han ligg føre.

Råd for eldre og funksjonshemma - 008/2021

REF - behandling:

Samrøystes vedteke

REF - vedtak:

Modalen kommune vedtek planen «Leve heile livet i Modalen» slik han ligg føre.

Formannskapet - 036/2021

FOR - behandling:

Ordførar og ass.rådmann orienterte om saka
Samrøystes vedteke

FOR - vedtak:

Modalen kommune vedtek planen «Leve heile livet i Modalen» slik han ligg føre.

Vedlegg:

Kommunal planstrategi - Modalen kommune, 2021 - 2023
Leve heile livet i Modalen!

Sakspapir

Saksbehandler	Arkiv	ArkivsakID
Jo Bjarte Tømmerbakke	FE-062	20/174

Saksnr	Utvalg	Type	Dato
058/2021	Kommunestyret	PS	09.12.2021

Møteplan vår 2022

Forslag til vedtak:

Kommunestyret vedtek framlegg til møteplan for våren 2022

Saksopplysninger:

Bakgrunn

Sjå vedlagt framlegg til møteplan for våren 2022

Vedlegg:

Møteplan vår 2022

Sakspapir

Saksbehandler	Arkiv	ArkivsakID
Magne Verpelstad	FE-151	21/295

Saksnr	Utvalg	Type	Dato
037/2021	Formannskapet	PS	23.11.2021
009/2021	Råd for eldre og funksjonshemma	PS	22.11.2021
008/2021	Administrasjonsutvalet	PS	23.11.2021
059/2021	Kommunestyret	PS	09.12.2021

Budsjett og økonomiplan 2022 - 2025

Forslag til vedtak:

1 Modalen kommune sitt budsjett og økonomiplan 2022-2025 vert vedteke slik det ligg føre i tråd med budsjett og økonomiplandokumentet.

2 Eigedomsskatt 2022: For eigedomsskatteåret 2022 vert det skrive ut eigedomsskatt med heimel i eigedomsskattelova § 3 fyrste ledd bokstav c: «berre på kraftverk, vindkraftverk og anlegg omfatta av særskattereglane for petroleum».

Den alminnelege eigedomsskattesatsen i Modalen kommune er 7 promille, jfr eigedomsskattelova § 11 fyrste ledd.

Eigedomsskatten for 2022 forfell til betaling i 2 terminar: 31. mars og 30. september, jfr eigedomsskattelova § 25.

Klagenemnda for eigedomsskatt har kompetanse til å handsame klager etter § 19 i eigedomsskattelova, jfr § 20 i eigedomsskattelova.

Modalen kommune gjennomførte ny alminneleg taksering i 2019. Dette omfattar kraftnettet, då eigedomsskattegrunnlaget for kraftverk er likningsverdiar frå Skatteetaten.

3 Låneopptak frå Husbanken til vidareformidling vert fastsett til kr 1 500 000 for 2022. Lånet er heimla i kommunelova § 14-17 (Lån til vidare utlån). Rådmannen har fullmakt til å gjennomføre låneopptaket og gjere val av vilkår.

4 Betalingssatsar for 2022 vert vedteke i tråd med vedlegget: Modalen kommune – betaling for kommunale tenester 2022.

Saksopplysningar:

Bakgrunn

Rådmannen legg fram sak om budsjett og økonomiplan for åra 2022 – 2025 til handsaming i formannskapet. Formannskapet skal handsame framlegget og gje innstilling til vedtak i kommunestyret.

Vurdering

Det vert vist til vedlagte dokument: Modalen kommune – Økonomiplan 2022 – 2025 og årsbudsjett 2022 – Framlegg frå rådmannen.

Rådmannen har i ein administrativ prosess ferdigstilt framlegget til årsbudsjett og økonomiplan for åra 2022 – 2025. Årsbudsjettet er fyrste året i økonomiplanen. Årsbudsjettet og økonomiplanen omfatter både drift og investeringar som er synt i eigne atskilde oversyn.

Ved førre rullering var det vanskelege økonomiske framtidsutsikter. Vanskane knytta seg i hovudsak til venta nedgang i eigedomsskatteinntekt frå 2021 til 2024. No har prognosane for eigedomsskatteinntekta endra seg positivt igjen. Endringa knyt seg i stor grad til kraftprisar. Kraftprisen var svært låg gjennom heile 2020 og bidrar til redusert eigedomsskattegrunnlag frå og med 2022. Kraftprisen har no vore svært høg gjennom stort sett heile 2021, og dette bidrar til auka eigedomsskattegrunnlag frå og med 2023. Me ser såleis at det er relativt store svingningar på inntekt som me ikkje har noko innverknad på.

Framlegget til budsjett og økonomiplan er saldert med eit netto driftsresultat på over 3 % for kvart år i planperioden.

Det vert synt til informasjon, tabellar og oversyn i vedlagte dokument: Budsjett og økonomiplan 2022-2025 – Rådmannen sitt framlegg. Det vil òg verte supplert med nærmare informasjon om prosess og innhald, samt betalingssatsar, i presentasjon for formannskapet og kommunestyret i samband med den politiske handsaminga.

Konklusjon

Framlegg til budsjett og økonomiplan 2022 – 2025 vert vedteke i tråd med saksframlegget, vedlagte dokument og framlegg til punktvedtak.

Råd for eldre og funksjonshemma - 009/2021

REF - behandling:

Samrøystes vedteke

REF - vedtak:

1 Modalen kommune sitt budsjett og økonomiplan 2022-2025 vert vedteke slik det ligg føre i tråd med budsjett og økonomiplandokumentet.

2 Eigedomsskatt 2022: For eigedomsskatteåret 2022 vert det skrive ut eigedomsskatt med heimel i eigedomsskattelova § 3 fyrste ledd bokstav c: «berre på kraftverk, vindkraftverk og anlegg omfatta av særskattereglane for petroleum».

Den alminnelege eigedomsskattesatsen i Modalen kommune er 7 promille, jfr eigedomsskattelova § 11 fyrste ledd.

Eigedomsskatten for 2022 forfell til betaling i 2 terminar: 31. mars og 30. september, jfr eigedomsskattelova § 25.

Klagenemnda for eigedomsskatt har kompetanse til å handsame klager etter § 19 i eigedomsskattelova, jfr § 20 i eigedomsskattelova.

Modalen kommune gjennomførte ny alminneleg taksering i 2019. Dette omfattar kraftnettet, då eigedomsskattegrunnlaget for kraftverk er likningsverdiar frå Skatteetaten.

3 Låneopptak frå Husbanken til vidareformidling vert fastsett til kr 1 500 000 for 2022. Lånet er heimla i kommunelova § 14-17 (Lån til vidare utlån). Rådmannen har fullmakt til å gjennomføre låneopptaket og gjere val av vilkår.

4 Betalingssatsar for 2022 vert vedteke i tråd med vedlegget: Modalen kommune – betaling for kommunale tenester 2022.

Administrasjonsutvalet - 008/2021

AU - behandling:

Rådmannen presenterte framlegg til budsjett og økonomiplan.

AU - vedtak:

1 Modalen kommune sitt budsjett og økonomiplan 2022-2025 vert vedteke slik det ligg føre i tråd med budsjett og økonomiplandokumentet.

2 Eigedomsskatt 2022: For eigedomsskatteåret 2022 vert det skrive ut eigedomsskatt med heimel i eigedomsskattelova § 3 fyrste ledd bokstav c: «berre på kraftverk, vindkraftverk og anlegg omfatta av særskattereglane for petroleum».

Den alminnelege eigedomsskattesatsen i Modalen kommune er 7 promille, jfr eigedomsskattelova § 11 fyrste ledd.

Eigedomsskatten for 2022 forfell til betaling i 2 terminar: 31. mars og 30. september, jfr eigedomsskattelova § 25.

Klagenemnda for eigedomsskatt har kompetanse til å handsame klager etter § 19 i eigedomsskattelova, jfr § 20 i eigedomsskattelova.

Modalen kommune gjennomførte ny alminneleg taksering i 2019. Dette omfattar kraftnettet, då eigedomsskattegrunnlaget for kraftverk er likningsverdiar frå Skatteetaten.

3 Låneopptak frå Husbanken til vidareformidling vert fastsett til kr 1 500 000 for 2022. Lånet er heimla i kommunelova § 14-17 (Lån til vidare utlån). Rådmannen har fullmakt til å gjennomføre låneopptaket og gjere val av vilkår.

4 Betalingssatsar for 2022 vert vedteke i tråd med vedlegget: Modalen kommune – betaling for kommunale tenester 2022.

Formannskapet - 037/2021

FOR - behandling:

Økonomisjef Magne Verpelstad presenterte hovudtrekk ved framlegg til budsjett og økonomiplan 2022 - 2025.

Rådmannen orienterte om investeringsoversynet.

Ordføraren lufta interessa for å ivareta to gamle sandkaiar bort mot Otterstad. Korleis få dette til?

Håvard Engeseth og Liv Anne Aansesen peika på at det var viktig å ha kontinuitet i prosjektet som er påbyrja på skulen. Unngå stopp i prosessen gjennom opphald i investeringsløyving i 2022. Forslag om å skyve prosjekt leikeplass Kleivane fram til 2023. Anne-Britt Almelid og Ann-Jorunn Farestveit viste til at det var viktig å framleis prioritere leikeplass Kleivane. Alle samde om å drøfte dette vidare i kommunestyret.

Samrøystes vedteke

FOR - vedtak:

1 Modalen kommune sitt budsjett og økonomiplan 2022-2025 vert vedteke slik det ligg føre i tråd med budsjett og økonomiplandokumentet.

2 Eigedomsskatt 2022: For eigedomsskatteåret 2022 vert det skrive ut eigedomsskatt med heimel i eigedomsskattelova § 3 fyrste ledd bokstav c: «berre på kraftverk, vindkraftverk og anlegg omfatta av særskattereglane for petroleum».

Den alminnelege eigedomsskattesatsen i Modalen kommune er 7 promille, jfr eigedomsskattelova § 11 fyrste ledd.

Eigedomsskatten for 2022 forfell til betaling i 2 terminar: 31. mars og 30. september, jfr eigedomsskattelova § 25.

Klagenemnda for eigedomsskatt har kompetanse til å handsame klager etter § 19 i eigedomsskattelova, jfr § 20 i eigedomsskattelova.

Modalen kommune gjennomførte ny alminneleg taksering i 2019. Dette omfattar kraftnettet, då eigedomsskattegrunnlaget for kraftverk er likningsverdiar frå Skatteetaten.

3 Låneopptak frå Husbanken til vidareformidling vert fastsett til kr 1 500 000 for 2022. Lånet er heimla i kommunelova § 14-17 (Lån til vidare utlån). Rådmannen har fullmakt til å gjennomføre låneopptaket og gjere val av vilkår.

4 Betalingssatsar for 2022 vert vedteke i tråd med vedlegget: Modalen kommune – betaling for kommunale tenester 2022.

Vedlegg:

Budsjett - Økonomiplan 2022-2025 Rådmannen sitt framlegg

Betalingssatsar 2022 - Rådmannen sitt framlegg

Søknad om tilskot 2022 - Mo sokn

Statsforvaltaren - Framlegg til statsbudsjett 2022 kommuneopplegget

Statsforvaltaren - Statsbudsjett 2022 - tilleggsproposisjon